

慈谿柯韻伯先生原本

古吳葉天士評訂

傷寒來蘇

全集

昔人嘗論注書為難蓋文章家
有輯錄鉤深扶隱穿鑿而傳會
之於作者本意固亦未得然
自經史以及稗官雜說金名志
乘之文供我括摭蒐采以求合
於古人立言之旨雖夏后之璜

不無徑寸之考。尚不害其為天
球。如璧也。若醫以療疾。經絡臟
腑。形神精氣。變化陰陽。幽微莫
測。非於三部九候。深討窮蒐。非
我之靈心。啓我之妙悟。而率爾
命筆。不獨置前人本旨於雲霧。

中其自誤以強世不為黃帝岐
伯之罪人者幾希。意豁柯韻伯
先玄夙稱仲景功臣。著傷寒論
注論要二書。明而快。辨而精。譬
之文章家。左之預選之善。莊之
何騷之逆乎。馬子驤北校其矣。


願訂其謬舛。鏤諸板以行世。使
海內之論傷寒者。不墮五劫。和
之蒙翳。并不惑方中行俞嘉言
之岐說。其用心可謂勤矣。夫驤
北奉慈命。得力於靈素。學成應
世。已為當今盧扁。迺年逾古稀。

精神嬰鏢以蒼顏浩髮之叟能
逍遙於風雅翰墨之間匪獨其
業之足傳也其更有得於鑒之
外者。茫可知矣。嗚呼傷寒一症
所係匪輕一劑誤投神以消滅
良可悲已。李東垣陶節菴輩非

不辨晰。詳明。或掠影而剽光。或
辭煩而理晦。旁門曲徑。靡所達
涉。仲景之言。雖存。仲景之旨。幾
蔑。孰若韻伯論述之精。而鑲比
校讐之嚴乎。予故喜而為數言。
以弁諸首。至余。一於醫。未涉藩

籬也。未後驤址。以予言為所漢
 否。

嶺南衛廷璞筠園氏孫書



余幼失怙。奉先慈命。棄舉業。習醫術。謂可養生。亦可濟世。遂銳志於醫。上自靈素。下及百家之書。探討有年。愧未深造。獨念傷寒一症。生死安危。關係甚速。仲景先師。作傷寒論。以垂後世。

歷年既久。未免殘缺。再經後人
顛倒紛紜。茫無頭緒。學者無由
以入。置之高閣。至宋成無已始
有註釋。明方中行條辨於前。喻
嘉言尙論於後。各揮已意。自鳴
一得。然未知盡合仲景之意否。

也。繼獲柯韻伯先生傷寒論註。
論翼二書。立言明徹。獨出新裁。
不落前人窠臼。仲景隱而未發
之旨。抉以表著。俾仲景之精微
與妙。躍然心目之間。實有裨益
於斯道。不敢自私。因取二書。訂

其舛訛較其字畫付之剗剔以
公同好表章前賢嘉惠後學不
無少助云耳

皆

乾隆乙亥年荷月崑山七十老

人馬中驂題



傷寒雜病論原序

余每覽越人入號之診望齊侯之色未嘗不慨然歎其
才秀也怪當今居世之士曾不留神鑒藥精究方術上
以療君親之疾下以救貧賤之厄中以保身長全以養
其生而忽其本但競逐榮勢企踵權豪孜孜汲汲惟名利是務崇
飾其末華其外而悴其內皮之不存毛將安附焉卒然
遭邪風之氣嬰非常之疾患及禍至而方震慄降志屈
節欽望巫祝告窮歸天束手受敗賁百年之壽命持至
貴之重器委付凡瑩恣其所措咄嗟嗚呼厥身已鑿神
明消滅變爲異物幽潛重泉徒爲啼泣痛夫舉世昏迷

莫能覺悟。不惜其命。若是輕生。彼何榮勢之云哉。而進
不能愛人。知人。退不能愛身。知己。遇災值禍。身居死地。
蒙蒙昧昧。蠢若遊魂。哀乎。超世之士。馳競浮華。不固根
本。忘軀狗物。危若冰谷。至於是也。余宗族素多。向餘二
百。建安紀年以來。猶未十論。其死亡者。三分有二。傷寒
十居其七。感往昔之淪喪。傷橫天之莫救。乃勤求古訓。
博採衆方。撰用素問九卷。八十一難。陰陽大論。胎臚藥
錄。并平脉辨症。爲傷寒雜病論。合十六卷。雖未能盡愈
諸病。庶可以見病知源。若能尋余所集。思過半矣。夫天
有五行。以運萬類。人稟五常。以有五藏。經絡府俞。陰陽

會通玄冥幽微變化難極自非才高識妙豈能探其理
致哉上古有神農黃帝岐伯伯高雷公少俞少師仲文
中世有長桑扁鵲漢有公乘陽慶及倉公下此以往未
之聞也觀今之醫不念思求經旨以演其所知各承家
技終始順舊省疾問病務在口給相對斯須便處湯藥
按寸不及尺握手不及足人迎跌陽三部不參動數發
息不滿五十短期未知決診九候曾無彷彿明堂闕庭
盡不見察所謂管窺而已夫欲視死別生實爲難矣孔
子云生而知之者上學則亞之多聞博識知之次也余
宿尚方術請事斯語漢長沙守南陽張機序

傷寒論註自序

嘗謂胸中有萬卷書筆底無半點塵者始可著書胸中
無半點塵目中無半點塵者纔許作古書註疏夫著書
固難而註疏更難著書者往矣其間幾經兵燹幾番播
遷幾次增刪幾許抄刻亥豕者有之雜僞者有之脫落
者有之錯簡者有之如註疏者着眼則古人之隱旨明
塵句新註疏者失眠非依樣葫蘆則另尋枝葉魚目混
珠砒砒勝玉矣傷寒論一書經叔和編次已非仲景之
書仲景之文遺失者多叔和之文附會者亦多矣讀是
書者必凝神定志慧眼靜觀逐條細勘逐句研審何者